

Berita Bahá'í SARAWAK

O Anak Mensia!

Enti sema nuan ulih terebai enggau naka pengelaju ngelayang langit ti luas sereta nyemerai meraka serega, nuan nadai deka tetemuka penyamai semadi meh nuan nitihka perintah Kami sereta meremika diri ba mua Kami.

Bahá'u'lláh

BE 166 Asma (Nama)

Issue No.6

20th August 2009

sarawakbahainewsletter@gmail.com

GEDONG ngelancar ka Program Pemansang Dedat

Mr. Terrence Tinggi Sait

Kena 25hb Tujuh 2009, klaster Gedong ngelancar ka pusin ti KETRUBAH program pemansang dedat. Pengerami tu diatur ba Bahá'í Centre Kampung Triboh digulu lebih ari 60 iku bala pangan nyengkaum empat iku kaban Raban Gelumu Sambiang Bansa Mr. Dajai Mancha, Mr. Terrence Tinggi Sait, Mdm. Marilyn Lee enggau Mdm. Kong Ah Fah, Kaban Penyanding Mr. Bunsie, Dr. Shehab enggau Mr. Kalong lalu ditambahka empat iku kaban Bahá'í Council.

Bala pangan ti ngulu pengerami tu ngemenuh ka centre. Pagi nya dua iku Kaban Penyanding bisi mulai ka pengingat bala pangan ngagai chara ngajar ngena chara Anna. Sida bebagi ngagai tujuh iti grup ngajar lalu tiap iti grup udah bisi ngerintai ka nama orang ti deka enggau sida bekunsika ajar Pengarap. Nambah ka nya tiap iku kaban Raban Gelumu Sambiang Bansa, Kaban Penyanding enggau kaban Bahá'í Council ti bisi datai maya tu, dibagi lalu nyempulang grup ngajar nemuai ngagai orang ti deka diajar sida.

Sebedau bejadi pengerami tu dia Mr. Dajai Mancha bisi dipinta meri jaku peransang ngagai bala pangan. Iya bisi ngenang sereta madah ka diatu klaster Gedong udah nyadi klaster ti ke-empatbelas ngelancar ka program pemansang dedat di menua kitai tu lalu siti ari seribu lima ratus klaster di serata dunya ti udah ditetapka ulih ngelancar program tu dalam Lumpar Pengawa Lima Taun ke diatu.

Udah makai lemai nya dia bala pangan ti datai ari Kuching dibagi nitihka grup siti - siti lalu nyempulang sida nemuai ngajar ngagai orang ti udah b e s e m a y a nerima penatai



“Tiap iku orang ti arap - lelaki, indu, nemiak enggau anakmit dipanggil angkat gawa; laban ba pengingin enggau pengeran siku-siku ngajar sereta gawa, pemujur raban tu bepanggai.”

(Compilations, Unlocking the Power of Action)

(Continued on page 2)

بِسْمِ اللَّهِ الرَّحْمَنِ الرَّحِيمِ

“Anang kakang
ati dalam
penerima
mensia ari pupu
raban bansa
ngagai pesan
Bahá'u'lláh...”

Angkat lalu
enda ditagang
kabut enggau
penguji...

Tumpu ka
pengulih kita
ngagai pengawa
kudus tu.”

(Diambi ari surat ari
Rumah Pengelurus Serata
Dunia kena 27hb
Duabelas 2008)



(Sambung ari Lambar 1)

sida malam nya. Pulai ari nya dia bala sida dipinta betemu baru ba Bahá'í center ngambika bisi endur bekunsika cerita sida ti ngajar. Sekeda bala pangan ti enda enggau ngajar bisi tinggal ba Center. Bisi sekeda nya besambiang ka pemujur pengawa sida ti ngajar lalu bisi sekeda nya nyendia ka pemakai baka bubur ti dikena sida berami ngirup lebuah sida ke bukai udah mulai ka diri ari rumah orang ti endur sida ngajar.

Semua bala pangan ti bisi datai sehari tu sama bisi mantu menyalai ka program ti udah dilancharka lemai nya.

Retreat di Serian

Bahá'í Council Sarawak Selatan

Sekali agi bala pangan ari Serian dipinta datai ngulu aum tauka *retreat* endur sida bejurai ka pemansang ba sitak menua sida. Kena iihb Tujuh tu tadi 30 iku bala pangan nyengkaum dua iku Kaban Penyanding Mr. Kalong Katik enggau Dr. Shehab Phung, empat iku kaban Bahá'í Council, kaban Komiti Pemansang Klaster, Koordinator enggau kaban Raban Gelumu Sambiang Menua ngulu aum tu ti diatur ba Dewan Masyarakat Serian.

Program aum tu berengkah enggau belajar ka Pesan Ridvan 2009 diiring Mr. Kalong. Nangkan ka nya sida meda statistik ba pemansang klaster sida. Dr. Phung mega madah ka pemesai guna kaul ti rapat enggau bekerjasama antara Raban Gelumu Sambiang Menua enggau Komiti Pemansang Klaster lebuah ti deka nambah ka pemayuh batang pengawa. Nambah ka nya iya mega ngelalau bala pangan ngemeran ka chara ti manah dikena mai orang ti deka mansik belajar ka ajar Pengarap.

Aum tu mega mutus ka maya endur menyalai ka pengawa ngajar ba tumpuk sebuah-sebuah ba klaster tu—ba Kampung Mayang Tea, Kampung Bugu Mawang, Kampung Ipuh Diyang enggau Kampung Sumpas Tampek. Siti ari pemutus runding maya tu ianya sida ti udah bisi peneleba ari Kampung Mujat dipinta bebagi tubuh lalu mantu nuduk ka grup ngajar ba tumpuk ke bukai.

Berindik ba aum tu dia Bahá'í Council arapka bala pangan ulih nambah ka peransang, pengandal ati enggau pengeran diri gawa ka Pengarap.

Aum di Gedong

Bahá'í Council Sarawak Selatan

Siti aum endur bejurai nentuka klaster tu ulih ngelancar ka program pemansang dedat bisi diatur ba Bahá'í Centre Kampung Triboh apin lama ke udah. Lebih ari tigapuluh iku bala pangan enggau kaban Raban Gelumu Sambiang be klaster tu bisi datai ngulu aum tu. Temuai ti datai maya tu ianya Kaban Raban Gelumu Sambiang Bansa Mrs. Marilyn Lee enggau Kaban Penyanding Dr. Shehab Phung enggau kaban Bahá'í Council Madam Bari Enkek enggau Mr. Thomas Nagdan.

Aum tu berengkah enggau belajar ka Pesan Ridvan 2009. Pesan tu dipelajar ka sida enggau silik ngicha ka bala pangan mereti ka pekara ti dikenang enggau silik. Uдах nya Komite Pemansang Klaster mantai ka riput tauka statistik batang pengawa ti bisi dipejalaika ba klaster tu. Taja pen riput tu enda tentu meransang ka ati tang sida ti bisi datai ngasai ka sida ulih ngelancharka program pemansang dedat.

Dr. Shehab Phung mega bisi nerang ka pemesai guna kaul ti rapat enggau bekerjasama antara Raban Gelumu Sambiang Menua enggau Komite Pemansang Klaster kelebihan agi dalam pengawa menyalai ka batang pengawa enggau instituit. Ngelansa ari Pesan Ridvan 2008 dia iya mulai ka pengingat madah ka batang pengawa patut dipejalai ka kitai begulai enggau orang ti diau besemak enggau kitai. Lebu ditanya, dia bala pangan bela nyaut nitih ka pemereti diri naka ke diatu.

Bekau ti ngulu program tu dia bala pangan ngasai ka diri nyau bisi nemu mimit nama ti patut tauka enda patut dikereja lebu sida mai orang ngagai batang pengawa. Sida mega berasai gagit deka ngelancar ka program pemansang dedat kena 25hb Tujuh 2009.

Matih Pengajar Klas Nembiakmit di Kuching

Ari Yee Tsemin

Kos endur matih pengajar klas nembiakmit bisi dua kali udah diatur, kena 12hb enggau 19hb Tujuh, ba Bahá'í Centre Kuching. 27 bala nembiak ti udah kala ngajar klas nembiakmit tauka sida ti baru deka nyadi pengajar bisi ngulu kos ti ketrubah. Tang semina 16 iku aja nyambung kos ngagai ia ti kedua kena 19hb Tujuh.

Kos tu berindik ba Pelajar 19 enggau 20 ari Unit 3 Bup Ruhi 5 enggau sekeda pekakas kena ngajar klas nembiakmit ari *Roh Keimanan*. Sida ti belajar ngena dua bansa jaku-Bahasa Malaysia enggau English nitihka pilih sidaempu. Maya hari ketrubah dia sida enda ulih nembuka latih ngena semua pekakas ti udah disediaka kos tu. Nya-alai kos tu disambung baru kena 19hb.



Bup 5, *Roh Keimanan* bisi ngundan 7 iti pelajar. Tuju belajar ka bup tu ianya ngambika bala pengajar ulih mereti enggau silik sereta dalam agi undan iya lalu landik agi ngenatai ka penemu lebu sida ngajar klas nembiakmit. Bala sida ti ngulu kos tu semua mandang ka pengerajin diri belajar. Tiap iku sida nemu bekunsika penemu enggau peneleba diri lebu maya belajar ka bup tu.

(Continued on page 4)

(Continued from page 3)

Ba maya ujung kos tu Dr. Vishnu, ianya coordinator klas nembiakmit ba klaster Kuching, ti udah ngiring kos tu madah ka diri ngarap ka bala ti udah dilatih ulih begelumu sekali sebulan lalu bekunsika pemujur grup diriempu sereta ngulih ka penemu baru dikena ngemansang ka klas nembiakmit.

Akuempu ngasai ka bala pengajar klas nembiakmit patut begelumu sekali pengelama dua jam endur sida bejurai ka pemansang sereta bekunsi ka chara ngajar ti ngasi ngambika sida semampai teperansang nerang ka penemu dalam bup ti dikena sida ngajar. Gelumu ti baka tu mega ulih narit mayuh agi nembiak nguji ke pengelandik diri nyadi pengajar klas nembiakmit.

Betemu sehari enggau Pengelalau George Soraya

Ari Clarence Suai Kirak

Kena 25hb Tujuh 2009, kami bisi belajar enggau Pengelalau George Soraya ba Sibu Jaya Bahá'í Centre. Bala pangan ti bisi dipinta datai ngulu aum tu nyengkaum Kaban Penyanding Mr. Bundan Liban enggau Madam Annie Tan), semua kaban Bahá'í Council Sarawak Tengah, kaban Komiti Pemansang Klaster Sibu, Selangau enggau Mukah enggau bala koordinator instituit.

Surat ti dipelajarka kami maya tu nyengkaum Pesan Ridvan 2008 enggau 2009 sereta enggau surat ari Pusat Dunya Bahá'í kena 17hb Lima 2009 ti ngenang reti enggau pemesai guna Gawai Sembilan Hari.

Nambah ke nya kami bisi ngenang pemansang ba klaster Sibu, Selangau enggau Mukah lalu bejurai ka pelan pemansang ba klaster nya. Kelimpah ari nya kami mega bisi ngenang pemansang ba klaster Kanowit. Enti nitihka pelan dulu suba dia Kanowit udah disengkaum ba siti ari klaster ti ulih ngelanchar ka program pemansang dedat dalam Lumpar Lima Taun ke diatu. Naka ke diatu Kanowit agi balat bendar beguna ka bantu ari luar enti deka ngelatih pemayuh agi orang ti landik gawa ka Pengarap.

Siti ari pemutus jurai kami maya tu ianya deka ngatur kempen instituit di Sibu lebh maya pemisi sekula Bulan Lapan tu.

Siti pekara ti besai bendar guna ti bisi dipejuraika kami maya tu ianya nuduk ka anggar belanja dikena Bahá'í Council Sarawak Tengah sereta ngiga chara meransang mayuh agi bala pangan meri ngagai Pan Bansa laban tebal agi belanja dikena melanja pengawa Pengarap di menua tu endang datai ari Pan Bansa.

Aum sehari ti bakatu berasai mai peransang enggau pengagit ati. Kami arap kami ulih ngatur pengawa ti baka tu sekali dalam tiga bulan. Pemulai kami ari tu, kami arap ka diri ulih gawa nambah ka pemayuh orang gawa ka Pengarap baka ti diguna ba menua di Sarawak tengah ditu.

Klaster 'A' ti udah ngelanchar ka Program Pemansang Dedat

- | | | |
|--|--|--|
| • <u>Kuching:</u>
<i>Pusin ke 15</i> | • <u>Sebuyau:</u>
<i>Pusin ke 6</i> | • <u>Selangau:</u>
<i>Pusin ke 1</i> |
| • <u>Bintulu:</u>
<i>Pusin ke 12</i> | • <u>Bakong:</u>
<i>Pusin ke 5</i> | • <u>Mukah:</u>
<i>Pusin ke 1</i> |
| • <u>Serian:</u>
<i>Pusin ke 11</i> | • <u>Niah:</u>
<i>Pusin ke 5</i> | • <u>Gedong:</u>
<i>Pusin ke 1</i> |
| • <u>Miri:</u>
<i>Pusin ke 10</i> | • <u>Simunjan:</u>
<i>Pusin ke 3</i> | • <u>Limbang:</u>
<i>Pusin ke 1</i> |
| • <u>Lundu:</u>
<i>Pusin ke 9</i> | • <u>Sibu:</u>
<i>Pusin ke 2</i> | |

Aum Bala Cikgu Bahá'í udah ditetapkan baru kena 20hb nyentukka 22hb Sembilan 2009 (Hari Minggu ngagai Hari Dua)

Program deka berengkah pukul 1.00 ngalihhari 20hb lalu abis pukul 1.00 ngalihhari 22hb.

MAYA NGELANCHAR KA PROGRAM

PEMANSANG DEDAT

- Asajaya (05hb Duabelas 2009)
- Betong (12hb Duabelas 2009)
- Tatau (Bulan Duabelas 2009)